




Nýr Landspítali staða framkvæmda og fréttir af verkefninu

- **Uppsteypa meðferðarkjarna**
- **Samráðsfundur stjórnar Nýs Landspítala með stýrihópi um heildarverkefni Landspítala**
- **Nýr Landspítali kynnir sér lyfjaloftskerfi á Karolinska sjúkrahúsínu í Stokkhólmi**
- **Kynningarskilti á starfsstöðvum Landspítala um verkefni Nýs Landspítala**
- **Starfsmenn Sensa í heimsókn**
- **Kynning á verkefnum Nýs Landspítala á ráðstefnu Vinnueftirlitsins**
- **Gjaldskylda tekin upp á bílastæðum**

Uppsteypa meðferðarkjarna



Járnabending í suðurhluta plötu 3. hæðar í stöng 2.



Mótauppsláttur í gangi fyrir suðurhluta plötu 4. hæðar í stöng 1.



Steypuvinna að hefjast í suðurhluta plötu 3. hæðar í stöng 2.



Lokið er við að steypa norðurhluta plötu 4. hæðar í stöng 1.

Helstu verkþættir sem nú eru í gangi við uppsteypuna eru við mótauppslátt, járnabendingu, eftirspennu, fyllingar og lagnir í grunni.

„Áfram er góður gangur í uppsteypu meðferðarkjarnans og fyrsta gólfplata 4. hæðar í vesturhluta var steypt í október og eykst þar með forskotið á aðra byggingarhluta á svæðinu. Uppsteypa veggja og súlna efri kjallara er að klárast. Uppsteypu 1. áfanga tengigangs sunnan meðferðarkjarna er lokið og unnið er að því að fullklára hann að utan og fylla að. Aðrar fyllingar á svæðinu eru við tengiganga norðan meðferðarkjarna, þar sem verið er að fylla undir botnplötur við efri kjallara og undirbúa áframhaldandi uppsteypu,“ segir Árni Kristjánsson staðarverkfræðingur Nýs Landspítala.

Samráðsfundur stjórnar Nýs Landspítala með stýrihópi um heildarverkefni Landspítala



Stýrihópur, aftari röð frá vinstri: Guðmundur Árnason, fjármála- og efnahagsráðuneytinu, Ásta Valdimarsdóttir, heilbrigðisráðuneytinu, Runólfur Pálsson, Landspítala
Fremri röð: Ásgeir Margeirsson formaður stýrihópsins og Gunnar Guðni Tómasson, Landsvirkjun.

Föstudaginn 21. október var haldinn samráðsfundur með stjórn Nýs Landspítala og stýrihópi um heildarverkefni Landspítala.
Stýrihópurinn hefur umsjón og samþættingu með öllum þáttum skipulags framkvæmda við Landspítala.

Nýr Landspítali kynnir sér lyfjaloftskerfi á Karolinska sjúkrahúsínu í Stokkhólmi




Starfsmenn Nýs Landspítala kynna sér lyfjaloftskerfi á Karolinska sjúkrahúsínu í Stokkhólmi

Nýverið gafst fulltrúum Nýs Landspítala kostur á að skoða lyfjaloftskerfi á Karolinska sjúkrahúsínu í Stokkhólmi. Skoðuð voru lyfjaloftskerfi sjúkrahússins og gaskerfi rannsóknahússins og sóttir kynningarfundir með hönnuðum kerfanna og aðilum sem komu að framkvæmdinni. Rekstraraðili Karolinska sýndi alla þætti í kerfunum, birgðatanka, miðlægar gasmiðstöðvar, loftpressumiðstöðvar fyrir öndunarloft, þrýstivaktir deilda, afgaskerfi frá svæfingarvélum, reykútsogsgerfi af skurðstofum, eyðingarkerfi fyrir glaðloft og fleiri þætti.

Þá var skoðuð sérstaklega blöndunareining fyrir „Synthetical Air“ en þar er hægt að blanda saman köfnunarefni og súrefni af fljótandi birgðatönkum til framleiðslu á öndunarlofti sem sett er inn á kerfið ef loka þarf fyrir loftpressumiðstöðvar vegna mengunar í andrúmslofti. Í framkvæmdum við meðferðarkjarnann er gert ráð fyrir möguleika á að setja upp sambærilegt kerfi og er á Karolinska og dæmi eru um að sjúkrahús í nágrannalöndunum hafi farið sömu leið. Við framkvæmdir við meðferðarkjarnann er gert ráð fyrir að setja upp sambærilegt kerfi til að tryggja hreinleika kerfanna.

„Í nýjum meðferðarkjarna er verið að hanna stórt lyfjaloftskerfi með miklu öryggi fyrir sjúklinga. Það að geta skoðað sambærilegt kerfi í nýlegum spítala þar sem fylgt var stífstu ákvæðum, er mikilvægt fyrir okkur sem að verkefninu standa,“ segir Ronald Janssen verkefnastjóri á hönnunarsviði.

Kynningarskilti á starfsstöðvum Landspítala um verkefni Nýs Landspítala



Kynningarskilti um starfsemi Nýs Landspítala er að finna víðsvegar á starfsstöðvum Landspítala.

Sett hafa verið upp kynningarskilti á vegum Nýs Landspítala á nokkrum starfsstöðvum Landspítala.

Þar er að finna upplýsingar um þau byggingaverkefni sem Nýr Landspítali vinnur að. Skiltin má finna á sjúkrahótelinu, Kringlu við Hringbraut, Fossvogi, Blóðbanka, Kvennadeild, Ármúla, Tunguhálsi, Eiríksgötu og í Skaftahlíð.

Myndin er samsett og sýnir útlit skilta í Kringlu við Hringbraut, Fossvogi og á sjúkrahótel.

Starfsmenn Sensa í heimsókn



Það viðraði vel til heimsókna þegar starfsmenn Sensa skoðuðu framkvæmdasvæðið.

Bann 20. október komu starfsmenn frá Sensa, ásamt erlendum gestum, í heimsókn og fengu kynningu á verkefnum Nýs Landspítala hjá Gísla Georgssyni, verkefnastjóra hjá Nýjum Landspítala.

Að því loknu var farið í skoðunarferð um framkvæmdasvæðið undir leiðsögn Gísla Georgssonar og Erlendar Árna Hjálmarssonar verkefnastjóra.

Kynning á verkefnum Nýs Landspítala á ráðstefnu Vinnueftirlitsins



Gísli Georgsson verkefnastjóri á tækni- og þróunarsviði kynnti verkefni Nýs Landspítala á ráðstefnunni.

Föstudaginn 14. október var haldin ráðstefna á Grand hóteli á vegum Vinnueftirlitsins undir heitinu „Framtíð vinnuverndar í umönnunarstörfum“. Þar kynnti Gísli Georgsson, verkefnastjóri á tækni- og þróunarsviði Nýs Landspítala, helstu byggingaverkefni Nýs Landspítala með áherslu á tæknimál.

Upptöku af fundinum má nálgast hér:
<https://www.youtube.com/watch?v=KRnCdZqYZ1o>

Gjaldskylda tekin upp á bílastæðum




Tekinn hefur verið upp gjaldskylda á sunnanverðu Landspítalasvæðinu.

Nú hefur tekið gildi gjaldskylda á bílastæðum á sunnanverðu Landspítalasvæðinu. Gjaldskyldan er á milli kl. 08.00 og 16.00 og svæðið er auðkennt með skiltum. Hægt er að greiða við innganga í húsnaði Háskólans (Læknagarði), við inngang Landspítalans eða með skönnun á QR-kóða í farsíma og tilheyrandi greiðsluferli.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is